

**V E N D I M**  
**Nr. 116, datë 18.3.1999**

**PËR REZERVËN E SIGURISË SË NAFTËS, GAZIT E NËNPRODUKTEVE TË TYRE**

*(Ndryshuar me VKM nr. 425, datë 26.6.2003)*

*(i përditësuar)*

Në mbështetje të nenit 100 të Kushtetutës së Republikës të Shqipërisë dhe të nenit 9 të ligjit nr.8450, datë 24.2.1999 “Për përpunimin, transportimin dhe tregtimin e naftës, gazit dhe nënprodukteve të tyre”, me propozimin e Ministrisë së Ekonomisë Publike dhe të Privatizimit, Këshilli i Ministrave

**V E N D O S I:**

1. Kategoritë e naftës, gazit dhe të nënprodukteve të tyre, për të cilat do të mbahet rezervë sigurie, janë si vijon:

- Kategoria 0Naftë bruto
- Kategoria IGaz i lëngshëm
- Kategoria IIBenzinë automjetesh, *Benzinë mjetesh të fluturimit ajror.*
- Kategoria IIIGazoil (Diezel), *Lëndë djegëse për mjetet e fluturimit ajror, reaktivë (Kerozene).*

-Kategoria IVSolar

2. Ministria e Ekonomisë Publike dhe Privatizimit, sipas përcaktimeve në pikën 1, të llogaritë sasinë e rezervës së sigurisë, që duhet të mbahet nga refineritë e naftës dhe shoqëritë e tregtimit me shumicë, e cila duhet të jetë e barabartë me 30 ditë mesatare shitjeje, mbështetur në të dhënat dhe rezultatet faktike të veprimtarisë së vitit të mëparshëm.

3. Sasia e rezervës së sigurisë për vitin pasardhës përcaktohet në fund të tremujorit të tretë të vitit në vijim.

*3.1. Depozitat ku ruhet rezerva e sigurisë do të vlerësohen si magazina doganore, pas plotësimit të kushteve të përcaktuara në Kodin Doganor dhe në aktet nënligjore në zbatim të tij, sipas vlerësimit të autoritetit doganor.*

4. Ngarkohet Ministria e Ekonomisë Publike dhe Privatizimit për zbatimin e këtij vendimi.

Ky vendim hyn në fuqi 15 ditë pas botimit në Fletoren Zyrtare.

**KRYEMINISTRI**  
**Pandeli Majko**